

qui Arelatenſi primo Concilio ſubſcripſit, ejus Epiſcopum fuiſſe, non parum probabile eſt.

LINDO-COLINA civitas Provinciæ Lindiſi, quæ eſt ad meridianam Humbri fluminis ripam, teſte Beda lib. 2. cap. 16. qui *Juſtum* & *Honorium* hujus Epiſcopos nominat.

RHOFI Beda lib. 2. cap. 6. cui vulgò *Rochefter* eodem lib. cap. 3. *Juſtum* primum Rhofenſem Epiſcopum S. Auguſtinus ordinavit, teſte eodem Beda lib. 2. cap. 3.

VECTA Inſula Britannia Beda lib. 4. cap. 16. vulgò *Wiſt*, in qua ſedes Epiſcopalis inſtituta fuit, ejus incolis ad fidem Chriſti converſis ſub Ceadualla Rege. *Daniel* hujus primus Epiſcopus dicitur ab eodem Beda. Nunc ſedes ad Bangorienſem, quam vocant, Eccleſiam tranſlata eſt.

SEOLSEIA, olim peninſula & urbs ad Auſtrum, Beda lib. 4. c. 13. vulgò *Seolfey*, nunc marinis fluctibus pene hauſta, & nonniſi æſtate apparens. In ea *Wilfridus* tertius Eboracenſis Archiepiſcopus per Egfridum Northumbria Regem in exilium pulſus ſedem Epiſcopalem inſtituit, beneficio Wlſheri Merciorum Regis. Ciceſtriam poſtea ſedes tranſlata eſt anno 1070.

DORCINCA Britannia civitas Beda lib. 3. cap. 7. vulgò *Dorcheſter*, aliis Dorceſtria, in regione Occidentalium Saxonum, qui *Birinum* ejus primum Epiſcopum fuiſſe tradit ſub Kinigiſſo illorum Rege ad fidem Chriſti converſo.

VENTA Beda ibidem, vulgò *Wincheſter*, civitas Occidentalium Saxonum, qui diviſa ſede Dorcinenſi ſub Cenwalcho Rege *Winam* hujus Epiſcopum fuiſſe ſcribit. Wintonia poſtea dicta eſt, traditque Godwinus libro de Epiſcopis Angliæ ex vetuſto Cod. MS. Lucium primum hujus Inſulæ Regem Chriſtianum in ea ſedem Epiſcopalem inſtitui curaffe.

DUMMOK Beda lib. 2. cap. 15. Dunwicus creditur, Britannia civitas Epiſcopalis ad mare in Orientali Suffolciæ parte, cujus primus Epiſcopus *Felix* ad instantiam Carpwaldi Orientalium Saxonum Regis inſtitutus eſt, anno Chriſti 635. teſte eodem Beda: & ab eo poſtea *Felixſtowe*, quaſi Felicis oppidum, appellata eſt.

HELMHAM, oppidulum Britannia, in ſaſtis Epiſcop. Angliæ, Venerabilis Beda *Northelmbam*, ubi diviſa Dunwickenſi diœceſi, ſedes Epiſcopalis conſtituta eſt, cujus primus Epiſcopus *Bedwinus* fuit, & quæ poſtea Thetfordiam, indeque Nortwicum tranſlata dicitur.

LICHFELDIA Britannia civitas in Mercia Mediterranea, vulgò *Leichfeld*, ubi Ofwius Merciorum Rex Epiſcopalem ſedem inſtituit, eique *Dwynam*, aliis *Diuman* Epiſcopum præfici curavit, teſte Beda lib. 3. cap. 21.

WIGORNIA Beda, civitas Britannia Epiſcopalis. *Bocelus*, de quo idem Beda lib. 4. cap. 23. ejus ſedis primus Epiſcopus conſecratus eſt à Theodoro Cantuarienſi.

HEREFORDIA civitas Epiſcopalis Britannia Provinciali Romano, vulgò *Hereford*; cujus primus Epiſcopus *Putta* ordinatus dicitur, in peritioribus Britannicarum rerum Scriptoribus.

LINDISFARNIA Beda lib. 3. cap. 3. Inſula ad oram Britannia, vulgò *Farnylant*. In hac *Aidanus*, favente Oſwaldo Rege Northumbroꝝ, ſedem Epiſcopalem conſtituit, ejusque primus Epiſcopus fuit eodem Beda teſte, hinc poſtea Dunelmum tranſlata eſt ab Aldwino.

HAGULSTADIA Beda lib. 4. cap. 12. vulgò *Auſton*, ad Thinam fluvium & Cheviotæ montis radices in Northumbria ſita. *Tumber* hujus Epiſcopus dicitur apud Bedam ibid.

CANDIDA CASA Beda lib. 3. cap. 4. quæ & Witeria, vulgò *Weitern*, & latinè nunc oppidum S. Martini, in Gallovidia extremisque Angliæ juxta Scotiam finibus, inquit Malmesburienſis, ſic dicta ab Eccleſia Epiſcopali ex lapide